

|    |    |      |          |      |  |     |                             |       |
|----|----|------|----------|------|--|-----|-----------------------------|-------|
| 35 | 02 | 0009 | 35020009 | 6148 |  | 094 | Na ekonomski kod (Izvor 20) |       |
|    |    |      |          |      |  |     | Drugi tekući rashodi        | 4.520 |

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-11-10441/21  
30. juna 2021. godine  
Sarajevo

Ministar  
Davor Čičić, s. r.

Na osnovu člana 17. stav (1) Zakona o izvršavanju Budžeta Kantona Sarajevo za 2021. godinu ("Službene novine Kantona Sarajevo", broj 05/21), po zahtjevu JU "Kamerni teatar 55", Ministar finansija donosi sljedeću

**ODLUKU  
O PRERASPODJELI SREDSTAVA U BUDŽETU KANTONA SARAJEVO ZA 2021. GODINU ZA BUDŽETSKOG  
KORISNIKA JU "KAMERNI TEATAR 55"**

1. Odobrava se preraspodjela sredstava u Budžetu Kantona Sarajevo za 2021. godinu, transferi u iznosu 3.500 KM u razdjelu 22020004 JU "Kamerni teatar 55" i to:

| Raz | Glava | Potr.jed | Ekon.kod | Subanalitika | Funkcija | OPIS                                      | Iznos |
|-----|-------|----------|----------|--------------|----------|---|-------|
| 22  | 02    | 0004     | 22020004 |              |          | JU "Kamerni teatar 55"                    |       |
|     |       |          |          |              |          | Sa ekonomskog koda (Izvor 50)             |       |
| 22  | 02    | 0004     | 22020004 | 6139         | 082      | Ugovorene i druge posebne usluge          | 3.500 |
|     |       |          |          |              |          | Na ekonomski kod (Izvor 50)               |       |
| 22  | 02    | 0004     | 22020004 | 6133         | 082      | Izdaci za komunikaciju i komunalne usluge | 1.500 |
| 22  | 02    | 0004     | 22020004 | 6134         | 082      | Nabavka materijala i sitnog inventara     | 2.000 |

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-11-25102/21  
28. jula 2021. godine  
Sarajevo

Po ovlaštenju ministra  
Sekretar  
Zejna Avdić, s. r.

Na osnovu člana 17. stav (1) Zakona o izvršavanju Budžeta Kantona Sarajevo za 2021. godinu ("Službene novine Kantona Sarajevo", broj 05/21), po zahtjevu JU "Djeca Sarajeva", Ministar finansija donosi sljedeću

**ODLUKU  
O PRERASPODJELI SREDSTAVA U BUDŽETU KANTONA SARAJEVO ZA 2021. GODINU ZA BUDŽETSKOG  
KORISNIKA JU "DJECA SARAJEVA"**

1. Odobrava se preraspodjela sredstava u Budžetu Kantona Sarajevo za 2021. godinu, budžetska sredstva u iznosu 35,000 KM u razdjelu 21060001 JU "Djeca Sarajeva" i to:

| Raz | Glava | Potr.jed | Ekon.kod | Subanalitika | Funkcija | OPIS  | Iznos  |
|-----|-------|----------|----------|--------------|----------|---|--------|
| 21  | 06    | 0001     | 21060001 |              |          | JU "Djeca Sarajeva"                         |        |
|     |       |          |          |              |          | Sa ekonomskog koda (Izvor 10)               |        |
| 21  | 06    | 0001     | 21060001 | 6112         | LFA001   | Naknade troškova prevoza na posao i s posla | 28,000 |
| 21  | 06    | 0001     | 21060001 | 6112         | LFA004   | Otpremnine zbog odlazka u penziju           | 7,000  |
|     |       |          |          |              |          | Na ekonomski kod (Izvor 10)                 |        |
| 21  | 06    | 0001     | 21060001 | 6112         | LFA005   | Naknade u slučaju smrti i teže invalidnosti | 35,000 |

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-11-27591/21  
28. jula 2021. godine  
Sarajevo

Po ovlaštenju ministra  
Sekretar  
Zejna Avdić, s. r.

**Ministarstvo za odgoj i obrazovanje  
Kantona Sarajevo**

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 88. stav (6) Zakona o osnovnom odgoju i obrazovanju ("Službene novine Kantona Sarajevo", br. 23/17, 33/17, 30/19 i 34/20), člana 123. stav (7) Zakona o srednjem obrazovanju ("Službene novine Kantona Sarajevo", broj 23/17 i 30/19) i člana 33. Zakona o predškolskom odgoju i obrazovanju u Kantonu Sarajevo ("Službene novine Kantona Sarajevo", br. 26/08 i 21/09), ministrica za odgoj i obrazovanje Kantona Sarajevo, uz prethodnu saglasnost Vlade Kantona Sarajevo, donosi

**PRAVILNIK  
O IZMJENAMA I DOPUNI PRAVILNIKA S  
KRITERIJIMA ZA PRIJEM RADNIKA U RADNI ODNOS  
U PREDŠKOLSKIM USTANOVAMA, OSNOVNIM I  
SREDNJIM ŠKOLAMA KAO JAVNIM USTANOVAMA  
ČIJI JE OSNIVAČ KANTON SARAJEVO**

Član 1.

(Izmjena člana 4.)

U Pravilniku s kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama čiji je osnivač Kanton Sarajevo ("Službene novine Kantona Sarajevo", broj 29/21) član 4. mijenja se i glasi:

"Član 4.

(Uslovi za raspisivanje javnog konkursa)

- (1) Preduslovi za pokretanje postupka prijema u radni odnos radnika putem javnog konkursa su:
  - a) osigurana sredstva u Budžetu Kantona Sarajevo i pribavljena prethodna saglasnost Vlade Kantona Sarajevo ukoliko se radi o novom radnom mjestu utvrđenom Nastavnim planom i programom i Pedagoškim standardima i normativima i
  - b) provedena procedura utvrđena Pravilnikom s kriterijima za iskazivanje prestanka potrebe za radnicima koji su djelimično ili potpuno ostali bez radnih zadataka ("Službene novine Kantona Sarajevo", broj 26/15).
- (2) Upraznjena radna mjesta u ustanovama prvo se popunjavaju sa jedinstvene rang-liste radnika za čijim radom je potpuno ili djelimično prestala potreba u odnosu na ugovor o radu na neodređeno vrijeme koji su zaključili sa poslodavcem na osnovu javnog konkursa, koja se vodi u Ministarstvu za odgoj i obrazovanje Kantona Sarajevo (u daljem tekstu: Ministarstvo).
- (3) Ukoliko u ustanovi postoji upražnjeno radno mjesto, ustanova je obavezna prvo preuzeti lice sa spiska radnika za čijim je radom potpuno ili djelimično prestala potreba iz stava (2) ovog člana, koje ispunjava sve opće i posebne uslove za to radno mjesto.
- (4) Ustanove mogu raspisati javni konkurs za prijem radnika tek nakon prethodno pribavljene saglasnosti ministra za odgoj i obrazovanje Kantona Sarajevo (u daljem tekstu: ministar), ukoliko se popunjavanje upražnjenog radnog mjesta ne može realizirati u skladu sa stavom (2) ovog člana.
- (5) Ministarstvo saglasnost za raspisivanje javnog konkursa dostavlja ustanovi koja je tražila saglasnost, u roku od 30 dana od dana dostavljanja zahtjeva za raspisivanje javnog konkursa, osim u slučajevima potrebe za hitnim raspisivanjem javnog konkursa kada je rok sedam dana od dana prijema zahtjeva za raspisivanje javnog konkursa.
- (6) Ustanove moraju raspisati javni konkurs za prijem radnika najkasnije deset dana od dana dobijanja saglasnosti Ministarstva."

Član 2.

(Izmjena člana 7.)

U članu 7. stav (4) broj "(5)" zamjenjuje se brojem: "(4)".

Član 3.

(Izmjena člana 8.)

U članu 8. stav (1) tačka i) riječ: "maksimalno 14 se briše.

Član 4.

(Izmjena člana 10.)

U članu 10. stav (2) tačka c) riječ: "zvan" zamjenjuje se riječju "izvan".

U stavu (6) riječi: "st. (1) i (2)" zamjenjuju se riječima: "st. (1), (2), (4) i (5)".

Član 5.

(Izmjena člana 16.)

Član 16. mijenja se i glasi:

"Član 16.

(Dopunska prava boraca-branitelja BiH)

- a) Nakon bodovanja na osnovu općih i posebnih kriterija, kandidatima koji su prošli kompletnu proceduru uključujući i intervju, na ukupan broj prethodno ostvarenih bodova u zavisnosti o pripadnosti boračkoj populaciji (branioci i članovi njihovih porodica) dodaju se i dodatni bodovi na način da se na ukupan broj bodova dodaje postotak od istih i to za:

|    |   |               |
|----|---|---------------|
| a) | dijete šehida, poginulog, umrlog, nestalog branioca bez oba roditelja   | 50%;          |
| b) | lice u statusu člana porodice šehida/poginulog, umrlog i nestalog branioca, pri čemu djeca imaju prednost   | 35%;          |
| c) | lice u statusu ratnog vojnog invalida i to do X grupe 27,5% + 0,3% za svaku narednu grupu invalidnosti od I grupe                                     | 27,5 - 30,2%; |
| d) | lice u statusu demobiliziranog branitelja za jednu godinu učešća 23,5% + 0,1% za svaki mjesec učešća u Oružanim snagama                               | 23,5 - 27,1%; |
| e) | dijete ratnog vojnog invalida od X grupe 20,5% + 0,3% za svaku narednu grupu invalidnosti do I grupe  | 20,5 - 23,2%; |
| f) | dijete demobiliziranog branitelja s jednom godinom učešća u Oružanim snagama 16,4% + 0,1% za svaki mjesec učešća u Oružanim snagama                   | 16,4 - 20%;   |
| g) | lice u statusu dobitnika ratnog priznanja i odlikovanja dobija dodatno  | 10%;          |
| h) | dijete dobitnika ratnog priznanja i odlikovanja dodatno   | 5%;           |
| i) | lice i dijete lica u statusu organizatora otpora sa učešćem od 18.09.1991. do 15.10.1991. godine dodatno  | 3%;           |
| j) | lice i dijete lica u statusu organizatora otpora, veterana sa učešćem od 15.10.1991. do 15.04.1992. godine dodatno po 0,3% po mjesecu u datom periodu | 0,3 - 1,8%;   |
| k) | lice i dijete lica u statusu maloljetni branitelj dodatno   | 2%;           |
| l) | dijete umrlog demobiliziranog branitelja i ratnog vojnog invalida dodatno   | 1%.           |

- (2) Suprugama ratnih vojnih invalida, kao članu uže porodice ratnog vojnog invalida, nakon bodovanja po osnovu općih i posebnih kriterija i provedene kompletne procedure, uključujući i intervju, na ukupan broj ostvarenih bodova dodaju se i dodatni bodovi i to:

|    |   |    |
|----|---|----|
| a) | suprugama ratnih vojnih invalida od X do VII grupe  | 1% |
| b) | suprugama ratnih vojnih invalida od VI do III grupe | 2% |
| c) | suprugama ratnih vojnih invalida od II do I grupe   | 3% |

- (3) Pravo na dodatne bodove ostvaruju branioci i članovi njihovih porodica pod sljedećim uslovima:

- a) da imaju prijavljeno prebivalište/boravište u Kantonu Sarajevo i
- b) da se nalaze na evidenciji JU "Služba za zapošljavanje Kantona Sarajevo" ili su zaposleni na određeno vrijeme, što se dokazuje uvjerenjem/po tvrdom iz člana 18. stav (2) tačka f) ovog pravilnika ili da su zaposleni sa nižom stručnom spremom od one koju posjeduju.
- c) Dodatni bodovi iz st. (1) i (2) ovog člana računaju se u skladu sa Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", br. 38/20 i 28/21)."

Član 6.

(Dopuna člana 18.)

U članu 18. stav (2) iza tačke 1) dodaje se nova tačka m) koja glasi:

- "m) uvjerenje/potvrdu o neprekidnom prebivalištu na području Kantona Sarajevo u posljednja 24 mjeseca (ne starije od šest mjeseci)."

Član 7.

(Izmjena naziva Poglavlja V)

Naziv "POGLAVLJE V" mijenja se i glasi:

"POGLAVLJE V

KOMISIJA ZA UTVRĐIVANJE PRIJEDLOGA ZA IZBOR RADNIKA USTANOVE".

## Član 8.

(Izmjena člana 19.)

Član 19. mijenja se i glasi:

"Član 19.

(Komisija za utvrđivanje prijedloga za izbor radnika ustanove)

- (1) Školski/Upravni odbor rješenjem imenuje Komisiju za utvrđivanje prijedloga za izbor radnika ustanove (u daljem tekstu: Komisija) koju čine tri člana: sindikalni povjerenik ili lice koje on ovlasti kao predstavnik Samostalnog sindikata osnovnog obrazovanja i odgoja Federacije Bosne i Hercegovine - Kantonalni odbor Kantona Sarajevo, odnosno sindikalni predstavnik/predsjednik sindikalne organizacije Sindikata srednjeg i visokog obrazovanja, odgoja, nauke i kulture Bosne i Hercegovine - Kantonalni odbor Kantona Sarajevo, jedan iz reda radnika ustanove kojeg bira direktor i jedan iz reda radnika ustanove kojeg bira Nastavničko vijeće/Stručno vijeće odgajatelja.
- (2) Mandat članova Komisije traje dvije godine.
- (3) Članovi Komisije moraju imati najmanje isti stepen stručne sprema koja se traži javnim konkursom kao i kandidat za čiji je prijem u radni odnos objavljen konkurs.
- (4) Članovi Komisije u svom radu moraju biti nezavisni i nepristrasni, te se pridržavati načela javnosti i zakonitosti.
- (5) Komisije za utvrđivanje prijedloga za izbor radnika ustanove koje su imenovane u skladu sa Pravilnikom sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo ("Službene novine Kantona Sarajevo", broj 35/17) nastavljaju raditi do isteka mandata."

## Član 9.

(Izmjena člana 22.)

U članu 22. stav (3) riječi: "utvrđenim u čl. 9., 10, 11., 12., 13. i 14. ovog pravilnika" zamjenjuju se riječima: "utvrđenim u čl. 8. stav (1) tačka i), 9., 10, 11., 12., 13. i 14. ovog pravilnika".

## Član 10.

(Izmjena člana 23.)

U članu 23. stav (7) mijenja se i glasi:

"(7) Kandidati koji su pozvani na provjeru radnih i stručnih sposobnosti i koji posjeduju dodatnu dokumentaciju iz člana 18. stav (2) tač. k) i m) ovog pravilnika, obavezni su istu neposredno po dolasku na provjeru radnih i stručnih sposobnosti uručiti Komisiji, koja navedenu činjenicu zapisnički konstatuje. Ustanova je o prethodnom obavezna kandidate obavijestiti prilikom dostavljanja obavijesti iz stava (1) ovog člana."

## Član 11.

(Izmjena člana 25.)

U članu 25. stav (4) mijenja se i glasi:

"(4) Ukoliko niti jedan kandidat, koji je prošao kompletnu proceduru izbora, nije prihvatio posao, Komisija sa sljedećim kandidatima na bodovnoj rang listi provodi proceduru na način kako je to definisano u čl. 16. i 22. st. (4) i (5) ovog pravilnika. Rok za provođenje ove procedure je tri dana od dana utvrđivanja da nijedan kandidat nije prihvatio posao. Navedena procedura se ponavlja na opisan način sve dok se ne popuni upražnjeno radno mjesto."

## Član 12.

(Izmjena obrazaca)

Obrazac za bodovanje kandidata i obrazac - Konačna bodovna rang-lista koji su objavljeni u "Službenim novinama Kantona Sarajevo", broj 29/21 se stavlja van snage i utvrđuju se novi Obrazac za bodovanje kandidata i obrazac - Konačna bodovna rang-lista, koji su sastavni dio ovog pravilnika.

## Član 13.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 11-05/02-0227979-9/21

02. augusta 2021. godine  
Sarajevo

Ministrica

**Naida Hota-Muminović**, s. r.